



Inatsisartunut ilaasortaq
Agathe Fontain
-/maani

**Imigassamik ikiaroonartumillu atornerluinermut katsorsaasarneq pillugu
Agathe Fontain-ip § 37 naapertorlugu apeqquteqarneranut akissuteqaat -
apeqquteqaat 24, 2013.**

17-04-2013
Sullapnorm.
Allag.nr.

Inatsisartuni ilaasortap Agathe Fontain-ip imigassamik ikiaroonartumillu atornerluinerup
katsorsarneqarnissaannut ataani allanneqartutut apeqquteqarneranut qujavunga.

Postboks 1160
Oqa: 34 50 00
Allakkasuartaat: 32 55 05
3900 Nuuk
Email: pn@nanoq.gl
www.nanoq.gl

- 1. Naalakkersuisut imigassamik ikiaroonartumillu siunissami
katsorsaasarneq qanoq ittoq takorloorpaat?**
- 2. Naalakkersuisut isumaqatigiissutaanni allaqqasumi: "Inuunerluutit pillugit
ajornartorsiuteqartut katsorsarneqartarnerat pisariitsumik
aaqqiivigineqassaaq". Suut inuunerluutit pineqarpat?**

1 pillugu

Naalakkersuisut atornerluisuunerup tungaatigut pinaveersaartitsinermik suliaq
nangissallugu nukittorsassallugulu kissaateqarfigaat, taamaaliornikkut piffissaq
ungasinnerusoq eqqarsaatigalugu atornerluineq annikillisinneqassammat meeqqallu
amerlanerit atornerluisuunermik innarlerneqannginnissaat qulakkeerneqarluni. Tamanna
susassarfiup ataatsimoortumik iliuusissatut pilersaarusiortfigineratigut
qulakkeerneqassaaq.

Siunissami atornerluinermut katsorsaanerup iluani suliniuteqarnermi Naalakkersuisut
ima isioriarput:

Najugaq qimannagu atornerluinermik katsorsartittoqarsinnaanera pingaartitarissavaat,
tamatumanimi atornerluisuusup ilaqtutani qimannagit katsorsartinnissaata qanoq
pingaaruteqartiginera ilisimagatsigu.

- Atornerluisunik katsorsaanerup pitsaassusaanik qaffassaaniarput.
- Killiliussat piusut iluanni sapinngisamik pitsaassuseq qulakkeerniarpaat,
aaqqissuussinerup nukittorsarneratigut, piginnaasanik ineriartortitsineq
qulakkeerneqassammat periutsillu innuttaasunut ataasiakkaanut aaqqiiffigalugit.
- Imigassamik ajornartorsiuteqarnerup nassaariniarnerani suuneranillu
paasisaqarnermi ataqatigiittoqarneranik qulakkeerninneq aqquutigalugu
toqqissisimasumik atugaqarnissap pilersinnissaanik suliaqassapput,
katsorsaanerullu kingornatigut tapersersuinissamik malitseqartitsinermillu
pilersitsinermik suliaqassallutik.
- Atornerluinermut pitsaasumik katsorsaanissamut tunngaviit
malinneqarnissaannik qulakkeerninniariarput, taamaaliornikkut

atornerluisuunerup katsorsarneqarnera assigiimmik aamma ataqatigiissillugu
aaqqissuunneqaqqullugu.

2 pillugu

Naalakkersuisut kissaatigaat atornerluisuunerup eqaannerusumik katsorsarnissaanut
killiliussanik pilersitsisoqassasoq, taamaaliornikkut siullertut inatsisitigut killiliussat
qulakkeerneqassammata innuttaasullu katsorsartinnermini inatsisitigut qanoq
inissisimaneera qulakkeerneqassammat.

Atornerluisuunermi ajornartorsiutaasut pineqartut siullertut tassaapput imigassaq
ikiaroomartorlu hashi, taakkuuppullu atornerlueriaatsini marluullutik takussaanerpaat.
Kisiannili aamma atornerluinerit allat saqqumipput, soorlu ludomani (aningaasanik
pinnguarumatunerujussuaq). Ph.d.-mik allaaserisaq massakkut utaqqimaarparput,
tassani ludomani pillugu inassutinik arlalinnik saqqummiisoqassammat. Ph.d.-mi
inassutigineqarlutik allaaserisanut isummernissannut periarfissinneqareeruma
Naalakkersuisut sinnerlugit suliniutinik allanik aallartitsisoqassanersoq
isummerfigiumaarpara.

Inussiamersumik inuulluaqqusilluta



Steen Lyngé